

Bilten

Mart 2023.
Izdanje br. 34



Općinski sud u Sarajevu
Општински суд у Сарајеву
Sarajevo Municipal Court

Općinskog suda u Sarajevu



Imenovan novi predsjednik Općinskog suda u Sarajevu



Visoko sudsko i tužilačko vijeće Bosne i Hercegovine je tokom drugog dana sjednice održane 29. septembra 2022. godine u Sarajevu, donijelo odluku o imenovanju nosilaca pravosudnih funkcija u Bosni i Hercegovini. Tom prilikom je za predsjednika Općinskog suda u Sarajevu imenovan sudija Damir Batotić, predsjednik Krivičnog odjeljenja suda.

Pri donošenju Odluke o imenovanju,

VSTV BiH je uzeo u obzir kriterije poput: stručnog znanja, radnog iskustva i radnih rezultata; stručne sposobnosti zasnovane na dosadašnjim rezultatima u karijeri; sposobnosti da nepristrano, savjesno, marljivo, odlučno i odgovorno obnaša dužnosti u okviru funkcije za koju se prijavljuje; odnosa sa radnim kolegama, ponašanja van posla, profesionalne nepristranosti i ugleda te iskustva na rukovodećim poslovima.

Pri imenovanju, VSTV BiH primjenjuje odgovarajuće ustavne odredbe kojima se uređuju jednaka prava i zastupljenost konstitutivnih naroda i ostalih, te poštuje ravnomjernu zastupljenost spolova.

Novoimenovani predsjednik suda stupio je na dužnost 17. oktobra 2022. godine. Janja Jovanović obavljala je funkciju predsjednice suda od 01. septembra 2013. godine. ■



Održan radni sastanak sa predstavnicima Regionalne advokatske komore Sarajevo

Sastanak predstavnika Općinskog suda u Sarajevu i Regionalne advokatske komore Sarajevo održan je u Multimedijalnoj sali suda 02. februara 2023. godine. Cilj sastanka bilo je utvrđivanje aktuelnih zajedničkih problema u radu te iznalaženje odgovarajućih rješenja, s akcentom na uspostavljanje što bolje zajedničke saradnje.

Sastanak je otvorio Damir Batotić, predsjednik suda, koji se zahvalio

predstavnicima RAK-a na inicijativi da se održi ovakav jedan sastanak te naglasio važnost dobre saradnje suda i advokata, a što će u konačnici svakako rezultirati unapređenjem pravosudnog sistema i zadovoljstvom kranjih korisnika-stranaka.

Tokom sastanka razgovaralo se o brojnim temama poput naplate advokata određenih za odbranu po službenoj dužnosti u krivičnom

postupku, efikasnosti vanparničnog postupka, uvida u zemljišne knjige u skladu sa načelom javnosti, unapređenju šalterskog rada te o mogućoj uspostavi mjesta za prodaju sudske takse unutar zgrade suda čime bi se svim fizičkim i pravnim licima olakšalo pribavljanje sudske takse na način da istu ne moraju kupovati u kioscima udaljenim nekoliko stotina metara od zgrade suda, a ujedno bi se skratilo vrijeme neophodno za postupanje referenata po zahtjevima strankama te u konačnici ubrzao protok stranaka u šalter sali.

Kada je riječ o ovjerama potpisa na ugovorima o prometu nekretnina na ovom sudu, predsjednik je prisutne obavijestio da su sve pripreme privedene kraju te da će uskoro biti pušten u rad šalter za ovjeru potpisa gdje će dva uposlenika obavljati navedene poslove.

Na kraju sastanka učesnici su dogovorili aktivnosti za naredni period kao i ponovno organizovanje zajedničkog sastanka. ■





Predsjednik Špoljarić u posjeti sarajevskom Općinskom sudu



Shodno članu 9. Pravilnika o unutrašnjem sudskom poslovanju kojim je propisano da predsjednici viših sudova, prema potrebi, a najmanje dva puta godišnje, održavaju

sastanke s predsjednicima nižestopenih sudova u okviru svoje nadležnosti, Općinski sud u Sarajevu posjetio je 20.12.2022. godine Vladimir Špoljarić, predsjednik Kanton

alnog sud u Sarajevu.

Na sastanku koji je održan u Kabinetu Damira Batotića, predsjednika Općinskog suda u Sarajevu, predstavljen je izvještaj o radu ovog suda za 11 mjeseci 2022. godine, kao i realizacija planova rješavanja starih predmeta. Predstavljen je i podatak o broju koruptivnih predmeta koji se vode na ovome sudu te efikasnost rješavanja predmeta iz oblasti koruptivnih krivičnih djela. Posebna pažnja posvećena je analizi procentualne realizacije kvaliteta sudskih odluka kao i najčešći razlozi ukidanja i preinačavanja odluka ovog suda od strane Kantonalnog suda u Sarajevu. ■



Svečano obilježen Dan Općinskog suda u Sarajevu

Proslava 19. godišnjice Općinskog suda u Sarajevu upriličena je 15.12.2022. godine u sarajevskom klubu „Sloga“. Uz prisustvo velikog broja uposlenika i muziku benda „Drugo lice pravde“ svečano je proslavljen Dan suda. Prisutnima se kratko obratio i predsjednik Damir Batotić koji se zahvalio uposlenicima jer su se odazvali u tolikom broju.

Proslavi je prisustvovalo preko 200 uposlenika. ■





Održan sastanak sa predstavnicima Sindikalne organizacije Općinskog suda u Sarajevu

Na inicijativu Sindikalne organizacije sarajevskog Općinskog suda, 14.12.2022. godine održan je sastanak Damira Batotića, predsjednika suda, sa Elvisom Zornićem, predsjednikom Samostalnog sindikata državnih službenika i namještenika

Kantona Sarajevo, te sa predstavnicima Sindikalnog odbora Općinskog suda u Sarajevu. Sastanak je održan u Kabinetu predsjednika, a na temu aktuelnih problema koji se tiču radno-pravnog statusa uposlenika suda, uslova rada, komunika-

cije između Uprave suda i Sindikata, te uspostave buduće saradnje. Zornić je čestitao predsjedniku Batotiću na imenovanju, te istakao da vjeruje da će uspostavljanje dobrog socijalnog dijaloga rezultirati uspješnom saradnjom, poboljšanjem uslova rada i radne atmosfere. Predstavnici Sindikalnog odbora informisali su na sastanku predsjednika Batotića o trenutnim problemima sa kojima se susreću radnici prilikom obavljanja svojih poslova i radnih zadataka, sa prijedlozima za prevazilaženje istih. S tim u vezi predsjednik je obećao da će u narednom periodu primarni cilj biti svakako poboljšanje uslova rada kao i edukacija namještenika, povećanje transparentnosti u radu suda, a posebno će se raditi na intenziviranju saradnje između Uprave i Sindikalnog odbora. ■





USAID-ov projekat „Pravosuđe protiv korupcije“ pružit će podršku u edukaciji uposlenika Općinskog suda u Sarajevu

U Strateškom planu Općinskog suda u Sarajevu za period 2021.-2023. godina, jedan od ciljeva svakako je i stalna edukacija uposlenika suda, a radi stručnog osposobljavanja te stvaranja kvalitetnijeg kadra. S tim u vezi 06.12.2022. godine u Kabinetu predsjednika suda održan je sastanak na temu edukacije uposlenika, a u sklopu

USAID-ovog projekta „Pravosuđe protiv korupcije“.

Osim Damira Batotića, predsjednika suda, sudije Denisa Kurtovića, predsjednika Krivičnog odjeljenja i Mirzeta Sudžuke, šefa Sektora sudske uprave, sastanku su prisustvovali i Sanela Gorušanić Butigan, potpredsjednica Visokog sudskog i tužilačkog vijeća BiH te Biljana

Potparić Lipa, direktorica USAID-ovog projekta „Pravosuđe protiv korupcije“.

Na sastanku je, između ostalog, dogovoreno da u narednom periodu, a u sklopu komponente I Projekta (korupcija visokog profila) bude organizovana specijalistička obuka sudija Krivičnog odjeljenja na temu procesuiranja predmeta visoke i srednje korupcije. Predsjednik je istakao da bi vrlo korisno bilo organizovati i obuku sudija za prethodno saslušanje.

U sklopu II komponente Projekta (sprečavanje korupcije u pravosuđu), za državne službenike i namještenike suda dogovorena je obuka na temu etičkog kodeksa i integriteta.

Predsjednik Batotić se zahvalio direktorici na nesebičnoj podršci koju USAID pruža ovome sudu u sklopu navedenog Projekta. ■



▲ Biljana Potparić, direktorica USAID-ovog Projekta “Pravosuđe protiv korupcije”

Studenti Pravnog fakulteta obavljat će praksu na sarajevskom Općinskom sudu

Praktično učenje studentica i studenata prava predstavlja sastavni i u posljednje vrijeme obavezujući dio nastavnog procesa na pravnim fakultetima u Bosni i Hercegovini. Praktično osposobljavanje se odvija kako unutar tako i van prostorija pravnih fakulteta. Stručna praksa koju studenti mogu obavljati u institucijama vlasti i drugim ustanovama i organizacijama u BiH, a posebno u sudovima ili tužilaštvima, svakako predstavlja najznačajniji vid praktičnog osposobljavanja koje se provodi van prostorija pravnih fakulteta. Općinski sud u Sarajevu potpisao je u martu 2021. godine Okvirni sporazum o razumijevanju za unapređenje praktične nastave i obuke studenata prava i diplomiranih pravnik. Cilj Sporazuma je unaprijediti saradnju pravnih fakulteta i pravosudnih institucija/profesionalnih udruženja nosilaca pravosudnih funkcija, advokature i cen-

tara za edukaciju sudija i tužilaca u realizaciji praktične nastave za studente prava i praktičnog osposobljavanja diplomiranih pravnik, a kako bi stekli ili unaprijedili praktična znanja i vještine. Do sada je 26 institucija potpisalo predmetni Sporazum, a određeni su i koordinatori koji će u ime institucija saradivati sa pravnim fakultetima i direktno učestvovati u implementaciji Sporazuma. S tim u vezi 02.12.2022. godine u prostorijama Pravnog fakulteta u Sarajevu održan je sastanak koordinatora na kojem su razmatrana praktična pitanja u vezi sa organizacijom i provođenjem studentske prakse na sudovima i tužilaštvima u Kantonu Sarajevo. Predstavljen je i raspored obavljanja studentske



prakse, a s tim u vezi je dogovoreno da tokom zimskog semestra 11 studenata II godine sarajevskog Pravnog fakulteta obavi studentsku praksu na Općinskom sudu u Sarajevu iz predmeta Krivično-procesno pravo I i Finansijsko pravo. U planu je da tokom ljetnog semestra studenti obave praksu i iz predmeta Obligaciono pravo na Odjeljenju za sporove male vrijednosti Ilidža, a razmatrana je i mogućnost obavljanja prakse i na Prekršajnom odjeljenju Suda. ■


▲ Detalji sa održanog sastanka u prostorijama Pravnog fakulteta u Sarajevu



Donošenjem odgovarajućih zakonskih propisa riješit će se problem napuštenih motornih vozila u Kantonu Sarajevo

Problem utvrđivanja vlasništva napuštenih i neregistrovanih vozila i olupina sa javnih površina te prodaja ili uništenje istih bila je tema sastanka održanog 01.12.2022. godine u prostorijama Općinskog suda u Sarajevu. Predstavници Ministarstva saobraćaja Kantona Sarajevo te Ministarstva komunalne privrede, prostornog uređenja, građenja i zaštite okoliša razgovarali su sa predsjednikom suda, Damirrom Batotićem, o mogućim zakonskim rješenjima navedenog problema.

Naime, na području Kantona Sarajevo trenutno se nalazi preko 1.000 napuštenih motornih vozila i olupina koji ne samo da zauzimaju javne parking i zelene površine nego predstavljaju i sigurnosni problem za građane. Riječ je vozilima čiji su vlasnici za sada nepoznati, a veliki broj tih vozila korišten je i za



počinjenje različitih krivičnih djela.

Predstavnici Ministarstva informisali su prisutne da je na području Kantona Sarajevo akcija premještanja napuštenih vozila otpočela 13.10.2022. godine. Ministarstvo komunalne privrede, infrastrukture, prostornog

uređenja, građenja i zaštite okoliša Kantona Sarajevo koordinira akcijom čiji su nosioci Ministarstvo saobraćaja KS i KJKP „Rad“. Krajnji cilj je oslobađanje parking mjesta na javnim parking prostorima.

Na sastanku je istaknuto da trenutno najveći problem predstavljaju neregistrovana vozila čiji se vlasnici ne mogu utvrditi. S tim u vezi u planu je da se utvrdi procedura uništenja ili prodaje ovakvih vozila kako bi se ovaj višegodišnji problem konačno riješio.

Vlada Kantona Sarajevo utvrdila je lokaciju na koju će se predmetna vozila odlagati sve do donošenja odgovarajućih propisa kojim će se regulisati visina troškova premještanja i odlaganja vozila i olupina, način utvrđivanja vlasništva, procjena vrijednosti vozila... Nakon što se utvrdi procedura i donesu odgovarajući propisi, moći će se pristupiti prodaji ili uništenju napuštenih vozila koja su deponovana. ■





Predsjednik Batotić primio u posjetu predstavnice FIA-e

Finansijsko-informatička agencija (FIA) je u skladu sa odredbama Zakona o stečaju FBiH organ ovlašten za izdavanje prekršajnih naloga odgovornim licima u organima ovlaštenim za zastupanje stečajnih dužnika koja nisu podnijela prijedlog za otvaranje stečajnog postupka u roku od 60 dana od dana nastupanja platne nesposobnosti, a u skladu sa članom 58. navedenog Zakona.

Imajući u vidu da se FIA u proteklom periodu tokom sprovođenja ove nadležnosti susrela sa određenim poteškoćama prilikom utvrđivanja činjenica neophodnih za izdavanje prekršajnih naloga, u smislu pribavljanja vjerodostojnih podataka o odgovornom licu koje je na dan učinjenja prekršaja bilo upisano kao odgovorno lice u Registru poslovnih subjekata, kao i tačnog podatka o JMB tog lica, organizovan je sastanak sa predstavnicima sarajevskog Općinskog suda 30.11.2022. godine.

Sastanak je održan u Kabinetu predsjednika s ciljem da se zajednički razmotre mogući modusi kao i dinamika ustupanja predmetnih podataka iz Odjeljenja registra za upis pravnih lica, a imajući u vidu načelo hitnosti



sprovođenja i prioritarnog rješavanja svih postupaka koji su u vezi sa stečajnim postupkom.

Na sastanku je dogovoren način razmjene podataka i činjenica o kojima Sud vodi evidenciju, a koji će po zahtjevu FIA-e biti dostavljeni.

Sastanku su prisustvovali Damir Batotić, predsjednik suda, sudije Ramiza Aganović, predsjednica Odjeljenja registra za upis pravnih lica, Jasmina Alibašić, predsjednica Prekršajnog odjeljenja i Hakija Zajmović, predsjednik Privrednog odjeljenja te Mirzet Sudžuka, šef Sektora sudske uprave. U ime FIA-e, sastanku je prisustvovala direktorica Irma Borovac, Armina Kulovac- stručna savjetnica za pravne poslove te Negra Mašović - stručni savjetnik za radne odnose. ■

Vinko Jakić, direktor Federalne agencije za upravljanje oduzetom imovinom, posjetio sarajevski Općinski sud

Damir Batotić, predsjednik Općinskog suda u Sarajevu, sastao se 29.11.2022. godine sa Vinkom Jakićem, direktorom Federalne agencije za upravljanje oduzetom imovinom. Sastanak je održan u Kabinetu predsjednika suda, a istom su prisustvovali i Ajla Papović Mujan, sudija Krivičnog odjeljenja, Senada Smajiš, sekretar suda, Mirzet Sudžuka, šef Sektora sudske uprave te Muris Lončarević, viši referent za statistiku. Na početku sastanka direktor Jakić upoznao je prisutne sa radom Agencije koja je samostalna federalna upravna organizacija sa svojstvom pravnog lica, a nadležna je, između ostalog, za upravljanje privremeno oduzetom imovinom i oduzetom imovinom po odredbama Zakona o oduzimanju nezakonito stečene imovine krivičnim djelom. Jakić je izjavio da je do-



bra saradnja Agencije i ovog suda neophodna naročito kada je riječ o predmetima organizovanog kriminala i korupcije, a elektronsko povezivanje sa Zk uredom i Odjeljenjem registra za upis pravnih lica omogućilo bi Agenciji brže i lakše pribavljanje potrebnih podataka

kojima raspolaže Sud.

Na sastanku je, između ostalog, zaključeno da Agencija u saradnji sa drugim nadležnim institucijama organizuje obuku za sudije ovog suda, a na temu finansijskih istraga i oduzimanja imovinske koristi pribavljene krivičnim djelom. ■

Za uposlenike Suda organizovana jednodnevna obuka iz oblasti poslovne komunikacije

U organizaciji Agencije za državnu službu Federacije Bosne i Hercegovine, 30.11.2022. godine uposlenici sarajevskog Općinskog suda prisustvovali su jednodnevnom inhouse programu stručnog usavršavanja na temu: „Poslovna komunikacija“.

U biblioteci suda prva grupa polaznika prošla je obuku iz oblasti osnova poslovne komunikacije, etičkog ponašanja i komunikacijskih pravila u radnom okruženju. Predavač je bila dr.sci. Samira Demirović, a planirano je da u narednom periodu svi uposlenici suda prođu predmetnu obuku. ■






Saradnja Općinskog suda u Sarajevu i notara sa područja Kantona Sarajevo zadovoljavajuća

U prostorijama Općinskog suda u Sarajevu 21.11.2022. godine održan je sastanak Damira Batotića, predsjednika suda, sa notarom Bojanom Markovićem, predstavnikom Notarske Komore FBiH – Podružnica Sarajevo. Tema sastanka je bila saradnja Suda i notara sa područja Kantona Sarajevo te primjena Odluka Ustavnog suda FBiH, broj: U 15/10, U 22/16 i U 20/22. Općinski sud u Sarajevu u potpunosti provodi donesene Odluke Ustavnog suda FBiH na način da Sud vrši provođenje svih isprava koje su pogodne za provedbu u zemljišnoj knjizi i to kako notarski obrađenih isprava u skladu sa čl. 69. st. 1. Zakona o notarima FBiH, tako i ovjerenih isprava u skladu sa istim članom, pod uslovom da

sadrže sve potrebne elemente za upis u zemljišnu knjigu (bez obzira da li su te isprave sačinjene od advokata ili trećih lica).

Ponovljen je stav Suda da ne postoji pravni osnov za uspostavljanje sudske ovjere potpisa i ponovno otvaranje knjige ovjere, ali ako Ugovor čije se provođenje traži prema Zakonu o obligacionim odnosima sadrži sve neophodne elemente i ovjeru u skladu sa propisima, nema smetnji da bude proveden, s tim da su notarski obrađene isprave bile i ostale nesporne kao pravni osnov za upis u zemljišnu knjigu.



Na kraju sastanka je zaključeno da je saradnja Općinskog suda u Sarajevu i notara sa područja Kantona Sarajevo zadovoljavajuća te da su notari sa sjedištem na

području Kantona Sarajevo zadovoljni saradnjom sa Sudom, prvenstveno ažurnošću Zemljišnoknjižnog ureda.

Osim predsjednika Batotića, sastanku su prisustvovali i Senada Smajiš, sekretarka suda, Adi Isaković, sudija, Sumeja Buko, šef Kabineta, Mirzet Sudžuka, šef Sektora sudske uprave te Ekrem Tošić, šef Zk ureda. ■

Mato Jozić, federalni ministar pravde, posjetio Općinski sud u Sarajevu

U prostorijama Općinskog suda u Sarajevu predsjednik suda Damir Batotić održao je 15.11.2022. godine sastanak sa Matom Jozićem, federalnim ministrom pravde i Dženadom Grošom, direktorom Sudske policije u FBiH. Na sastanku se, između ostalog, govorilo o ključnim problemima sa kojima se susreću ove institucije u svom radu te o mogućnostima njihovog prevazilaženja.

Obzirom da nadzor nad izvršenjem krivičnih sankcija spada u nadležnost Federalnog ministarstva pravde, na sastanku je bilo riječi o radovima na izgradnji novog zatvorskog objekta na Igmanu te o postojećim kapacitetima u kazno-popravnim zavodima u FBiH. U cilju smanjenja troškova transporta pritvorenih maloljetnih lica do OPD Orašje, razmatrana je mogućnost smještanja maloljetnih pritvorenika u KPZ Sarajevo te je dogovorena adaptacija određenih prostorija u okviru Zavoda kako bi se zadovoljili standardi za smještaj ove kategorije. Kako je istakao Dženad Grošo, direktor Sudske policije, smještanje maloljetnih pritvorenika u okviru KPZ Sarajevo značajno bi olakšalo obavljanje poslova pripadnicima sudske policije imajući u vidu ograničen broj ljudskih i materijalnih resursa kojima sudska policija raspolaže.

Jedna od tema sastanka bila je i mogućnost automatskog dodjeljivanja branilaca po službenoj dužnosti u okviru CMS sistema kako bi se osigurala ravnomjerna zastupljenost branilaca te izbjegla zloupotreba ovog instituta. Nakon razmjene mišljenja o ovom pi-



tanju, zaključeno je da je neophodno inicirati izmjene zakona u tom pravcu.

Naglašeno je da je Općinski sud u Sarajevu preduzeo sve radnje kako bi se okončao postupak elektronskog povezivanja "E-grunt" baze podataka Zemljišnoknjižnog ureda sa nadležnim MUP-om KS. Razmatrani su prijedlozi da se u budućem periodu izvrši povezivanje predmetne baze sa Poreznom upravom FBiH, kao i eventualno sa službama za katastar u okviru općina u Kantonu Sarajevo kako bi se strankama omogućilo da određene podatke mogu dobijati u općinskim službama i istovremeno smanjio pritisak na Zk ured ovog

suda, za što je takođe potrebna izmjena propisa uz saradnju federalnih i kantonalnih institucija vlasti. Predsjednik Batotić zaključio je da je primarni cilj rada suda pružanje što brže i efikasnije pravne zaštite građanima i da sve aktivnosti unutar suda moraju biti usmjerene ka postizanju tog cilja. Ministar Jozić dodao je da su uposlenici Federalnog ministarstva pravde uvijek na raspolaganju za pružanje podrške i neophodnih informacija za rad sarajevskog Općinskog suda te da će u okviru svojih nadležnosti urgirati za potrebne izmjene postojećih, odnosno usvajanje novih zakona.

Sastanku su također prisustvovali i gđa Mersiha Udovčić, Federalna inspektorica za izvršenje krivičnih sankcija, Denis Kurtović, šef Krivičnog odjeljenja Općinskog suda u Sarajevu, Jasmina Sazdovski, sutkinja za maloljetnike, Senada Smajiš, sekretarka suda, Mirzet Sudžuka, šef Sektora sudske uprave i Ekrem Tošić, šef Zemljišno-knjižnog ureda ovog suda. ■





Izricanjem kazne kućnog zatvora sa elektronskim nadzorom ostvaruju se velike uštede u budžetu

Krivičnim zakonom FBiH je predviđeno da osobe osuđene na kaznu zatvora do jedne godine mogu izdržavati kaznu i kao kućni zatvor sa elektronskim nadzorom, a što podrazumijeva da osuđena osoba ne smije napuštati prostorije u kojima stanuje osim u slučajevima propisanim zakonom koji uređuje izvršenje krivičnih sankcija.

S obzirom na činjenicu da Općinski sud u Sarajevu, u skladu sa svojom nadležnošću, donosi odluku o izdržavanju kazne zatvora kao kućni zatvor sa elektronskim nadzorom ukoliko za to postoje uslovi, Damir Batotić, predsjednik suda, održao je 17.11.2022. godine kraći sastanak sa Vedranom Smiljanićem, direkto-

rom društva Opus d.o.o. Mostar, koje se bavi iznajmljivanjem softvera i opreme za elektronski nadzor osuđenih osoba te pruža tehničku podršku i administriranje pri elektronskom nadzoru.

Na sastanku su razmatrana pitanja koja se tiču postupka odobravanja i načina provođenja elektronskog nadzora nad osuđenim licima te prednosti i nedostaci istog. Predsjednik Batotić je istakao da je ovaj način izdržavanja kazne zatvora od velike važnosti naročito kada se uzmu u obzir finansijska sredstva iz budžeta koja bi se uštedila. Osim toga, osuđenom licu se omogućava da nastavi školovanje ili obavlja radnu obavezu dok je na izdržavanju

kazne. Navedeni način izdržavanja kazne zatvora nije primjenjiv za lica koja su višestruki povratnici i lica kod kojih je procijenjen visok stepen opasnosti po zajednicu - u tom slučaju je potrebno izvršiti izrečenu kaznu zatvora u cilju ostvarenja i generalne i specijalne prevencije te kako bi se postigla svrha kažnjavanja u smislu člana 42. Krivičnog zakona FBiH.

Federalno ministarstvo pravde i društvo Opus d.o.o. Mostar zaključili su 24.06.2020. godine Ugovor o pružanju usluga iznajmljivanja softvera i opreme za elektronski nadzor osuđenih osoba, za potrebe Federalnog ministarstva pravde i kazneno-popravnih zavoda u FBiH. ■



Održan sastanak predsjednika sarajevskog Općinskog suda i ministrice Ministarstva pravde i uprave KS

Sastanak Damira Batotića, predsjednika Općinskog suda u Sarajevu i Darje Kadenić Softić, ministrice pravde i uprave Kantona Sarajevo, održan je 14.11.2022. godine u Kabinetu predsjednika. Cilj sastanka bio je predstaviti aktivnosti koje je novoimenovani predsjednik do sada pokrenuo, kao i probleme u radu suda za koje smatra da je potrebno prioritetno rješavati.

Predsjednik je na početku sastanka pozdravio prisutne, zahvalio im se na dolasku te iskazao nadu da će ovaj sud nastaviti, kao i do sada, dobro saradivati kako sa Vladom Kantona Sarajevo tako i sa resornim ministarstvima. On je istakao da je u proteklom periodu, otkako je preuzeo dužnost, analizirao rad suda i sudskih odjeljenja te s tim u vezi konstatovao da je što hitnije potrebno unaprijediti rad Zk ureda na način da se uredi prostor za čeka-kanje, ubrza protok stranaka te da

se uz saglasnost Vlade KS poveća broj referenata u šalter sali Zk ureda kako bi se omogućilo brže postupanje po zahtjevima, a ujedno i smanjile svakodnevne gužve.

Nadalje, uz podršku nadležnog Federalnog Ministarstva pravde neophodno je što prije okončati postupak elektronskog povezivanja sa nadležnim MUP-om KS i Poreznom upravom FBiH. Također je potrebno u saradnji sa Ministarstvom finansija KS riješiti pitanje prodajnih mjesta sudskih taksi koje bi građani mogli kupiti u blizini ili unutar zgrade suda.

Na sastanku je razgovarano i o komunalnim predmetima koji godinama opterećuju rad suda i onemogućavaju potpunu ažurnost. Predsjednik je naglasio da se u rješavanje navedenog problema treba aktivnije uključiti i Vlada Kantona Sarajevo sa resornim ministarstvima, a kroz eventualno usvajanje li-

ste socijalno ugroženih kategorija stanovništva te omogućavanje subvencija za iste. Također bi bilo potrebno ažurirati podatke o komunalnim predmetima u kojima je novčani dug otplaćen. Predsjednik je informisao ministricu da zbog velikog broja kako komunalnih tako i druge vrste arhiviranih predmeta ovaj sud uskoro neće imati gdje smjestiti spise te je iznalaženje rješenja za nedostatak arhivskog prostora prioritetno.

Nakon održanog sastanka konstatovano je da je dobra saradnja i sa Vladom KS i sa resornim ministarstvima ključna za rješavanje navedenih problema suda.

Osim predsjednika Batotića i ministrice Softić Kadenić, sastanku su prisustvovali i Irena Zima, pomoćnica ministrice, Senada Smajiš, sekretar Općinskog suda u Sarajevu te Mirzet Sudžuka, šef sektora sudske uprave. ■

Odjeljenje registra za upis poslovnih subjekata sarajevskog Općinskog suda posjetili Studenti Ekonomskog fakulteta

Studenti II godine dodiplomskog studija Ekonomskog fakulteta u Sarajevu posjetili su 10. Novembra 2022. godine Odjeljenje registra za upis poslovnih subjekata Općinskog suda u Sarajevu.

Riječ je o studentima 15. generacije prestižnog dodiplomskog internacionalnog programa koji Ekonomski fakultet Univerziteta u Sarajevu realizira u saradnji sa Griffith College Dublin iz Irske. Silabusom predmeta “Business law and Ethics”, u šestoj sedmici semestra studenti uče i teorijski o svemu što je nadležnost Odjeljenja za registraciju poslovnih subjekata.

Tokom posjete Registru, studenti su zajedno sa prof. dr. Fatimom Mahmutćehajić, redovnom profesoricom na Katedri za poslovno pravo na Ekonomskom fakultetu u Sarajevu, posjetili sudiju Ramizu Aganović, predsjednicu Registra, koja ih je upoznala sa radom i nadležnostima Odjeljenja te detaljno objasnila proces registracije poslovnih subjekata.


Sudija Arijana Ljuca predstavila je studentima Bazu Odjeljenja Registra poslovnih subjekata, a na praktičnim primjerima pokazala i objasnila šta je sve potrebno kako bi se jedno društvo moglo registrovati, kao i koje druge promjene stranke mogu na osnovu prijave mi-

jenjati u svom društvu, zatim kako Rješenje o izmjenama podataka izgleda i na koji način Baza funkcioniše.

Studenti su posjetili i Arhivu Odjeljenja, kao i pisarnicu suda gdje ih je koordinator upoznao sa procesom rada pisarnice, kao značajnog segmenta u funkcionisanju Odjeljenja.

Sudija Ljuca je studente provela i kroz Palatu pravde te ih upoznala sa radom i organizacijom suda i sudskih odjeljenja.

Na kraju posjete gosti su izrazili svoju zahvalnost kako predsjedniku suda na omogućenoj posjeti tako i sudijama Registra na svim pruženim informacijama, praktičnom znanju i gostoprimstvu. ■



Predstavnici Općinskog suda u Sarajevu posjetili Kronofogden - Švedsku agenciju za izvršenje

Općinski sud u Sarajevu se u cilju bržeg i efikasnijeg rješavanja izvršnih predmeta te utvrđivanja koje predmete treba izmjestiti iz sudova i prenijeti u nadležnost agenciji, aktivno uključio u projekat ICEA III koji se provodi u saradnji s Agencijom Kronofogden iz Švedske, VSTV-om BiH i pilot sudovima (Općinski sud u Mostaru i Zenici te Osnovni sud u Banjoj Luci i Prijedoru).

Sarajevski Općinski sud je posebno zainteresovan za unapređenje rada kada je riječ o izvršnom postupku iz razloga jer ima mnogo izvršnih predmeta te formirana čak dva izvršna odjeljenja - Izvršno odjeljenje i Izvršno odjeljenje za rješavanje po vjerodostojnoj ispravi. Oba odjeljenja aktivno učestvuju u Projektu ICEA III radeći na strategiji potpunog uključenja sudskih izvršitelja, kao nesudskog osoblja, u tim sa sudijom te koji, u budućnosti, moraju biti visokoobrazovani i obavljati dio sudijskog posla.

Shodno navedenom, predstavnici Općinskog suda u Sarajevu, kao jednog od pilot-sudova u okviru pomenutog Projekta, boravili su u periodu od 03. Do 06. oktobra 2022. godine u studijskoj posjeti Švedskoj agenciji za izvršenje – Kronofogden, sa sjedištem u Štokholmu. Navedena studijska posjeta se odvijala u okviru Projekta za unapređenje efikasnosti izvršnog postupka ICEA III te je cilj iste bio da se pilot sudovi upoznaju sa



▲ Predstavnici Općinskog suda

praksom i načinom rada Švedske agencije za izvršenje, kao i da se dobre prakse usvoje od strane pilot sudova i primijene u okviru provođenja izvršnog postupka u sudovima, sa ciljem poboljšanja efikasnosti istog.

Predstavnici Općinskog suda u Sarajevu su zajedno sa predstavnicima VSTV-a BiH te drugih pilot-sudova uključenih u Projekat imali priliku da se tokom posjete Agenciji upoznaju sa radom i nadležnošću Agencije, načinom na koji se provodi izvršni postupak te da razmijene iskustva i pozitivne prakse.

Boris Stojaković, šef Odsjeka sudskih izvršitelja sarajevskog Općinskog suda, tokom studijske posjete imao je priliku zajedno sa predstavnicima Agencije učestvovati u organizovanoj akciji koja se provodila u glavnoj zračnoj luci Arlanda. Naime, predstavnici Agencije su uz podršku carinske ispostave vršili pasošku kontrolu putnika na aerodromu te provodili

pljenidbu pokretnih stvari putnika koji su, prema podacima Agencije, imali dugovanja.

pozitivne prakse koje se odnose na unapređenje efikasnosti izvršnog postupka su implementirane i u okviru Općinskog suda u Sarajevu te je po samom povratku sa studijske posjete predstavnika suda organizovan sastanak šefa Odsjeka sudskih izvršitelja, predsjednika Izvršnog odjeljenja i tadašnje predsjednice suda sa predstavnicima tražioca izvršenja, a sve s ciljem njihovog aktivnijeg učešća u izvršnom postupku, što ujedno predstavlja jedan od primarnih ciljeva ovog Projekta.

Projektini tim sarajevskog Općinskog suda koji je učestvovao u studijskoj posjeti agenciji Kronofogden činili su:

1. Amela Balić predsjednica Izvršnog odjeljenja
2. Nenad Banduka, predsjednik Izvršnog odjeljenja za rješavanje komunalnih predmeta
3. Boris Stojaković, šef Odsjeka sudskih izvršitelja i
4. Janja Jovanović, sudija Izvršnog odjeljenja Općinskog suda u Sarajevu. ■






Sudije Općinskog suda u Sarajevu boravile u studijskoj posjeti Okružnom sudu u Varbergu

U okviru projekta Unapređenja rada sudija i tužitelja - ICEA III, a koji je u sarajevskom Općinskom sudu ušao u IV Fazu implementacije, organizovana je studijska posjeta Okružnom sudu u Varbergu (Švedska) u periodu od 12. do 15. Juna 2022. godine.

Navedenoj studijskoj posjeti prisustvovao je projektni tim Općinskog suda u Sarajevu koji su činili sudija Naida Tabaković, predsjednica Parničnog odjeljenja, sudija Amela Balić, predsjednica Izvršnog odjeljenja,



sudija Adi Isaković, zamjenik predsjednice Parničnog odjeljenja te viši referent sudski asistent - daktilografkinja Jasmina Karić. Studijskoj posjeti su osim predstavnika sarajevskog Općinskog suda prisustvovali i timovi Općinskog suda u Travniku i Zenici.

Plan i program ove posjete, organizovane od strane domaćina u Švedskoj, bio je usmjeren na razmjenu iskustava i mišljenja, a sve u cilju razmjene iskustava radi implementacije navedenog Projekta.

Prilikom posjete članovi projektnog tima imali su priliku upoznati rad Okružnog suda u Varbergu, prisustvovati suđenju i to u građanskom i krivičnom predmetu te su kroz radionice dodatno usvojili i pozitivne ideje koje mogu primijeniti u svakodnevnom radu Općinskog suda u Sarajevu.

Nakon studijske posjete projektni tim će kolegama prenijeti pozitivna zapažanja te nastojati, koliko je to moguće, implementirati iskustva uz više angažovanje nesudskog osoblja.

U studijskoj posjeti učestvovali su i predstavnici Visokog sudskog i tužilačkog vijeća BiH. ■

Sarajevski Općinski sud podržat će realizaciji Projekta “Jačanje medijskih sloboda u Bosni i Hercegovini, Sjevernoj Makedoniji i Srbiji”

Sastanak sa predstavnicama Udruženja „BH novinari“ održan je u Kabinetu predsjednice suda 14. Jula 2022. godine. Tema sastanka bio je Projekat “Jačanje medijskih sloboda u Bosni i Hercegovini, Sjevernoj Makedoniji i Srbiji” koji finansira MATRA program holandskog Ministarstva vanjskih poslova. Gđa Borka Rudić, sekretar Udruženja, predstavila je ukratko glavne aktivnosti Projekta te istakla da je dobra saradnja pravosudnih institucija i medija ključna za objektivno i blagovremeno izvještavanje javnosti o dešavanjima unutar bh. Pravosuđa.

Pravilno izvještavanje sa suđenja, poznavanje pravne terminologije te specijalizacija novinara ključni su za tačno izvještavanje javnosti. S tim u vezi predsjednica je istakla da bi novinari trebali biti obučeni o oblastima o kojima izvještavaju, a kako bi se spriječila pogrešna interpretacija sudskih odluka zbog nepoznavanja pravne materije. Novinar bi morao biti upoznat sa problematikom o kojoj piše te bi edukacija iz određenih oblasti za novinare, naročito one koji izvještavaju iz sudnice, bila veoma korisna.

S tim u vezi gđa Rudić je informisala prisutne da je svakako u planu održavanje edukacija za novinare, a na temu izvještavanja iz oblasti pravosuđa, kao i izrada rječnika pravne terminologije koji bi bio od velike pomoći novinarima.

Kada je riječ o saradnji predstavnika medija i pravosuđa, predsjednica Jovanović izjavila je da ovaj sud



ima odličnu saradnju sa novinarima, da blagovremeno dostavlja sve tražene informacije koje predstavnici medija zatraže te da je do sada izvještavanje sa suđenja uvijek bilo korektno. Dobra saradnja pravosuđa i novinara je ključna za transparentno i objektivno izvještavanje te je realizacija ovakvog jednog projekta o velikog značaja. Zaključila je da je sarajevski Općinski sud uvijek spreman pružiti punu podršku aktivnostima na realizaciji jednog ovakvog projekta koji će zasigurno imati pozitivne rezultate te biti od koristi kako predstavnicima medija tako i bh. pravosuđa.

Ispred Udruženja sastanku su prisustvovala gđa Borka Rudić, sekretarka Udruženja te Dragana Erjavec, koordinator Projekta.

Inače, Projekat “Jačanje medijskih sloboda u Bosni i Hercegovini, Sjevernoj Makedoniji i Srbiji” trogodišnji je projekat koji finansira MATRA program holandskog Ministarstva vanjskih poslova. Projekat će sprovoditi konzorcijum koji čine Holandski helsinški komitet i organizacija Free Press Unlimited, a razvija se u saradnji sa lokalnim partnerskim organizacijama koje

čine tri pravosudne akademije i tri novinarska udruženja.

Cilj projekta je da doprinese stvaranju okruženja u kojem se poštuje sloboda medija i izražavanja bez straha i pritiska. Posebno se fokusira na izgradnji kapaciteta, kako novinara tako i aktera u pravosudnom sektoru, sa ciljem razvijanja efikasnijeg odgovora na slučajeve zastrašivanja i prijetnji novinara i medijskih radnika.

Partneri na projektu vjeruju u važnost mogućnosti da se nosioci prava (novinari) i nosioci dužnosti (predstavnici pravosuđa) okupe i organizuju na način koji će omogućiti bržu i sadržajnu saradnju u rješavanju postojeće slobode izražavanja i bezbjednosti novinara. Udruženje BH novinari će tokom trogodišnjeg projekta posvetiti napore u implementaciji projekta, a istovremeno će se fokusirati na razvoj novih resursa, politika i alata kako bi se omogućili inovativni, inkluzivni i sveobuhvatni modeli saradnje i dijaloga između pravosuđa i medija u cilju izgradnje povjerenja, ali i zajedničkog doprinosa medijskim slobodama i sigurnosti novinara. ■



USAID-ov Projekat „Pravosuđe protiv korupcije u BiH“ nastavlja pružati podršku Općinskom sudu u Sarajevu

Sastanak u sklopu USAID-ovog projekta “Pravosuđe protiv korupcije”, na temu planiranih aktivnosti koje će se provesti u narednom periodu, a koje se odnose i na Općinski sud u Sarajevu kao partnersku instituciju u okviru navedenog Projekta, održan je u Kabinetu predsjednika suda 27.02.2022. godine. Ispred USAID Projekta sastanku su prisustvovali Biljana Potparić Lipa, direktorica projekta, Sanela Paripović, voditeljica Komponente 1 - Unaprjeđenje rada pravosudnih institucija na složenim predmetima korupcije i organizovanog kriminala visokog nivoa te Muhamed Sušić, rukovodilac Komponente 2 - Prevencija korupcije u pravosudnom sektoru u BiH. Imenovani su ukratko izložili pla-


nirane aktivnosti u narednom periodu i to u okviru Komponente 1: specijalizirane obuke za sudije (posebno za sudije koje rade koruptivne predmete), međuinstitucionalni sastanci, pitanje harmonizacije sudske prakse, transparentnosti u radu na predmetima koji su od značajnog interesa za građane te statusne konferencije.

U okviru Komponente 2, a obzirom da je pojava korupcije u sudovima i tužilaštvima vezana i za rad stručnog i drugog osoblja u sudovima i tužilaštvima, Projekt je razvio Model etičkog kodeksa i smjernica za po-

stupanje uposlenika u pravosudnim institucijama u BiH, koji je usvojen od strane VSTV-a BiH, te su u smislu navedenog planirane obuke u ovoj oblasti za sve partnerske

institucije u pravcu poboljšanja institucionalnog integriteta pravosudnog sistema i uvođenja mehanizama koji učinkovito sprječavaju koruptivno ponašanje. Projekt također pruža punu podršku u radu koordinadorima

za implementaciju planova integriteta u partnerskim institucijama te su planirane obuke na temu javnih istupa i korištenja društvenih mreža. ■



KPZ Igman riješit će dugogodišnji problem nedostatka zatvorskih kapaciteta

Izgradnja Kazneno-popravnog zavoda Igman (KPZ Igman) projekat je koji se realizuje u skladu sa naj-savremenijim standardima. Prostorije KPZ-a će sadržavati više funkcionalno povezanih objekata - paviljona sa 150 zatvorskih ćelija kapaciteta oko 300 zatvorenika kao i posebno odvojenu upravnu zgradu.

Prostor će biti opremljen savremenom opremom, a sredstva za izgradnju u iznosu od 4,6 miliona eura obezbijedila je Vlada FBiH i Evropska unija.

S obzirom na važnost ovog objekta za sarajevski Općinski sud, predsjednik Damir Batotić posjetio je 02.11.2022. godine KPZ Igman zajedno sa Farukom Zubčevićem, direktorom KPZ-a Sarajevo. Tom prilikom je direktor Zubčević informisao predsjednika suda o dinamici radova, funkcionalnosti izgrađenih objekata, naglašavajući da će se izmještanjem prostorija KPZ-a iz centra grada, pored unapređenja uslova smještaja lica lišenih slobode, poboljšati i sigurnosni uslovi za rad.



Puštanjem u rad KPZ-a Igman potpuno će se riješiti problem prebukiranosti KPZ-a Sarajevo, a prostorije u ulici Branilaca Sarajeva, u kojima se trenutno nalazi KPZ Sarajevo, bit će ustupljene na korištenje sarajevskom Općinskom i Kantonalnom sudu te Sudskoj policiji

Federacije BiH čime će se poboljšati uslovi za rad navedenih institucija i povećati kapaciteti prostorija za zadržavanje lica lišenih slobode. Osim navedenog, izmještanje prostorija KPZ-a iz jezgre centra grada, znatno će se poboljšati i sigurnosni uslovi za rad KPZ-a. ■

IN MEMORIAM

Dana 07. februara 2023. godine zauvijek nas je napustila naša sutkinja, dr. sc. Sabina Hadžizulfić koja je od 2006. godine radila u Općinskom sudu u Sarajevu. Njen odlazak predstavlja veliki gubitak ne samo za njenu porodicu i prijatelje nego i za cjelokupni kolektiv ovog suda. Sutkinja Hadžizulfić je bila odličan sudija i poznavalac prava, ali i dobar prijatelj i radna kolegica. Sutkinja Sabina Hadžizulfić je di-

plomirala 1991. godine na Pravnom fakultetu Univerziteta u Sarajevu dok je zvanje doktora pravnih nauka stekla 2019. godine na Pravnom fakultetu univerziteta u Mostaru. Pravosudni ispit položila je 1996. godine. Pravosudnu karijeru započela je kao sudski pripravnik u Osnovnom sudu I u Sarajevu 1992. godine. Kao pravni zastupnik radila je u PUP „Pasavandžije“ u periodu 1992.-1994. godina. Od

1993. godine je radila u Institutu za istraživanje zločina protiv čovječnosti i međunarodnog prava. Tokom 1994. godine je radila kao stručni saradnik u Općini Novo Sarajevo. Na istoj poziciji počela je raditi 1997. godine u Općini Trnovo. Od 1997. godine obnaša dužnost VD predsjednika Općinskog suda za prekršaje u Trnovu. Kao sudija Općinskog suda u Sarajevu je počela raditi 2006. godine. ■

Općinski sud u Sarajevu

Protok predmeta u 2022. godini

Vrsta predmeta	Broj neriješenih predmeta na početku perioda I	Broj primljenih predmeta tokom izvještajnog perioda II	Ukupan broj svih predmeta u radu III = I+II	Broj predmeta koji su riješeni u izvještajnom periodu IV	Broj neriješenih predmeta V = III-IV
----------------	---	---	--	---	---

Parnično odjeljenje - (15 sudija) - prosjek 265 predmeta po referatu

P	3.583	3.966	7.549	3.582	3.967
Radni	13	14	27	18	9
Ukupno	3.596	3.980	7.576	3.600	3.976

Radno odjeljenje - (9 sudija) - prosjek 226 predmeta po referatu

P	691	135	826	493	333
Radni	1.372	1.411	2.783	1.086	1.697
Ukupno	2.063	1.546	3.609	1.579	2.030

Porodično odjeljenje - (4 sudija) - prosjek 209 predmeta po referatu

P-Rs	0	0	0	0	0
Porodični	678	1.022	1.700	865	835
Ukupno	678	1.022	1.700	865	835

Privredno odjeljenje - (10 sudija) - prosjek 147 predmeta po referatu

Ps	1.172	1.115	2.287	1.172	1.115
L	172	224	396	211	185
St	220	104	324	149	175
Ukupno	1.564	1.443	3.007	1.532	1.475

Krivično odjeljenje - (13 sudija) - prosjek 99 predmeta po referatu

K-K	524	905	1.429	806	623
K-Kpp	82	4.166	4.248	4.164	84
K-Kps	611	1.048	1.659	1.146	513
K-Kv	54	1.778	1.832	1.777	55
K-Mpom	7	13	20	18	2
Km-Km	21	26	47	40	7
Km-Kmv	0	34	34	34	0
Ukupno	1.299	7.970	9.269	7.985	1.284

IKS	109	358	467	335	132
------------	------------	------------	------------	------------	------------

Izvršno odjeljenje - "I - Ip" - (25 sudija - 1 str. sar.) - prosjek 474 predmeta po referatu

I	6.603	9.054	15.657	9.205	6.452
Ip	1.212	1.531	2.743	1.634	1.109
POM	18	27	45	20	25
I-kom	3.551	576	4.127	2.290	1.837
Ip-kom	319	68	387	236	151
Mal-I-Ip	4.074	2.701	6.775	4.027	2.748
Ukupno	15.777	13.957	29.734	14.525	12.322

Vanparnično odjeljenje - (5 sudija + 1 str.s. V ref.) - prosjek 141 predmeta po referatu

V	1.039	2.094	3.133	2.288	845
O	597	742	1.339	780	559
O - notari	8.779	6.386	15.165	8.124	7.041
Ostalo*	2	9	11	5	6
Ukupno	10.417	9.231	19.648	11.197	8.451

Prekršajno odjeljenje - (13 sudija) - 1.026 prosjek predmeta po referatu

Pr	11.170	9.113	20.283	11.492	8.791
Pls	942	8.038	8.980	4.433	4.547
Ukupno	12.112	17.151	29.263	15.925	13.338

Registar - (5 sudija) - prosjek 129 predmeta po referatu

Registracija poslovnih subjekata	676	5.268	5.944	5.300	644
----------------------------------	-----	-------	-------	-------	-----

Zk referat - (26 referenata) - prosjek 40 predmeta po referatu

ZK predmeti	911	35.217	36.128	35.090	1.038
-------------	-----	--------	--------	--------	-------

Odjeljenje za sporove male vrijednosti - (pred. odjeljenja + 22 str.sar.) - prosjek 3.560

Mal-kom	62.316	16.548	78.864	19.545	59.319
Mal	11.264	3.585	14.849	4.677	10.172
Mals-kom	7.231	3.058	10.289	1.750	8.539
Mals	3.915	1.643	5.558	1.719	3.839
POM	4	0	4	0	4
Ukupno	84.730	24.834	109.564	27.691	81.873

Izvršno odjeljenje po vjerodostojnim ispravama (3 str.sar.) prosjek 319.550/ref.

I	956.778	73.085	1.029.863	114.101	915.762
Ip	43.063	3.272	46.335	3.446	42.889
Ostalo*	0	0	0	0	0
Ukupno	999.841	76.357	1.076.198	117.547	958.651

Ukupno	1.133.773	198.334	1.332.107	243.171	1.086.049
---------------	------------------	----------------	------------------	----------------	------------------

Ostvarena norma po odjeljenjima:

Odjeljenje	Norma
Parnično	98,51%
Radno	88,52%
Porodično	104,72%
Privredno	147,03%
Krivično	113,61%
Izvršno - "I - Ip"	110,10%
Vanparnično	222,38%
Prekršajno	129,55%
Registracija poslovnih subjekata	163,15%
Odjeljenje za sporove male vrijednosti	146,50%
Izvršno - po vjerodostojnoj ispravi	1.234,50%
ZK	101,47%
NORMA SUDA	151,50%

2022. godina

OD UKUPNO 1.086.049 NERIJEŠENIH PREDMETA, 1.040.524 ILI 95,81% ČINE KOMUNALNI PREDMETI, DOK JE 45.525 ILI 4,19 % STRUKTURNIH PREDMETA

45.525	Struktura
-12.322	Izvršni - struktura
-13.338	Prekršaji
-1.038	ZK
-644	Registar
-132	Iks-referat
18.051	1,66% - parnica i krivica

2021. godina


OD UKUPNO 1.133.773 NERIJEŠENIH PREDMETA, 1.084.577 ILI 95,66 % ČINE KOMUNALNI PREDMETI, DOK JE 49.196 ILI 4,34 % STRUKTURNIH PREDMETA

49.202	Struktura
-15.777	Izvršni - struktura
-12.112	Prekršaji
-911	ZK
-676	Registar
-109	Iks-referat
19.617	1,73% - parnica i krivica

Kvalitet rada suda:

91,69%

Struktura neriješenih predmeta na dan 31.12.2022. godine



Općinski sud u Sarajevu

